

Esta mostra ten como obxecto poñer en valor o papel que desempeñaron as asociacións culturais en Galicia e os seus axentes durante os últimos quince anos da ditadura franquista (1961-1975). Desde as primeiras iniciativas de rescate da cultura galega comezadas por Galaxia e a súa rede, as accións daqueles mozos e mozas foron determinantes para estender a lingua e a cultura identitaria mediante a fórmula asociativa, nun marco pouco propicio para este labor. A súa metodoloxía integradora, tendendo pontes co galeguismo de antes da guerra, e a súa penetración no tecido social foron determinantes para consolidar os pasos precisos no camiño da construcción dunha cultura nacional.

Ricardo Gurriarán
Comisario e coordinador da exposición



Asociacionismo cultural en Galicia (1961-1975)

UN CANTO
E UNHA LUZ
NA NOITE







Pasquín e fotografía da representación de *Os vellos non deben de namorarse* de Castelao na praça da Quintana (Santiago, 1961)



Conferencia de Vicente Risco «Galicia y la revolución estética», no Hostal dos Reis Católicos e manuscrito orixinal da conferencia, organizada polo Galo en 1961



O profesor Xesús Alonso Montero, militante comunista, intervindo nunha das primeiras actividades públicas da Asociación Cultural de Vigo (maio de 1966)



Acceso do ateneo «La literatura gallega en la segunda mitad del siglo XIX», disertado por el profesor Xesús Alonso Montero. La charla se incluía dentro del ciclo de actividades desarrolladas por la Asociación Cultural de Vigo en el año 1966. Acompañando al orador Xan López Falac, con lentes, e directivos do Ateneo (ca. 1969)

Dúas décadas despois da desfeita cultural e política provocada pola Guerra Civil, as primeiras asociacións culturais fundadas nas cidades e nas vilas de Galicia foron capaces de dar pasos pioneiros e determinantes para a defensa e a promoción dos valores culturais do pobo galego, anuciando o que habería de ser o programa cultural desenvolto polo sistema autonómico constituído a partir da transición democrática. Para o rescate daqueles valores, nun contexto histórico difícil que Celso Emilio alcumaría como unha «longa noite de pedra», foron necesarias moitas vontades e moitos esforzos xenerosos e solidarios daqueles que pensaron que era a hora de construír as bases dun programa cultural de noso para a Galicia do futuro. O rescate e dignificación da lingua, en primeiro termo, como xenuína e feliz expresión popular. E como método de acción, a formación de asociacións, ateneos e agrupacións que comezaron a funcionar coa complicidade e co compromiso dunha nova xeración de xentes que estaban a chegar ás aulas universitarias, que comezaban a viaxar e que confiaban na

cultura como unha ferramenta axeitada para o coñecemento da historia, a realidade socioeconómica e os problemas máis estruturais de Galicia. Alborexaba a década dos sesenta do pasado século, aqueles anos que marcaron profundamente os rumbos da sociedade occidental até a eclosión final das revoltas do ano 68, tamén sucedidas de modo precoz na Compostela universitaria da primavera daquel ano.

Foi aquela unha tarefa difícil, marcada particularmente pola censura propia da ditadura franquista, que dubidaba entre reprimir directamente ou «tolerar» estas novas manifestacións de actividade cultural que se estaban a afastar dos criterios e dos medios oficiais creados polo réxime. Pero tamén había moita confianza no futuro. Xa pasaran máis de vinte anos da Guerra Civil, xa algúns exiliados, tal que Rafael Dieste, Silvio Santiago, Luís Soto ou Luís Seoane comezaban a retornar a Galicia de forma intermitente ou definitiva. Xa había plataformas culturais sólidas como a editorial Galaxia e movementos xeracionais como o das Festas Minervais celebran-

das en Compostela na segunda metade da década dos cincuenta. Nese escenario difícil pero cada vez máis aberto á práctica cultural pensada e feita en galego, foron aparecendo as primeiras agrupacións culturais que son obxecto central desta mostra. A primeira en Santiago de Compostela no ano 1961 co nome de O Galo, que foi a que tentou abrir camiños que moi logo habían seguir outros colectivos, bautizados con nomes aurorais como O Facho, Abrente e algúns outros, dispostos a cambiar a paisaxe cultural e canda ela a imaxe, a conciencia e a proxección do país.

De todo iso e moito máis trata a exposición *O asociacionismo cultural en Galicia (1961-1975)*, que o Consello da Cultura Galega promoveu e organizou ao se cumplirren cincuenta anos daquel primeiro paso imprescindible para outras transformacións e avances. Mesmo para a democracia e a autonomía, que daquela eran apenas visibles entre tanta bretemosa lonxanía. Mais algo viña movéndose naquel tempo de sombras e unha das probas está aquí, nesta mostra que detalla o



Díptico da mostra *20 pintores gallegos*, primeira actividade cultural organizada polo Galo (xuño de 1961)



Conferencia de Camilo Nogueira, presidente da Asociación Cultural de Vigo, no Ateneo de Moaña. Acompañando Xan López Falac, con lentes, e directivos do Ateneo (ca. 1969)

Tarxeta-convite para o acto que organizou en 1968 o Ateneo de Pontevedra o Día das Letras Galegas



17. Maio, 1968

DIA DAS LETRAS GALEGAS

NA LEMBRANZA DE CUEVILLAS

(1886 - 1958)

7 da tarde: Misas en lingua galega, no adro do Ceevillas, no Santuario da Virxe Pereira.

8 da noite: No Salón do Ateneo: Apertura oficial mostra bibliográfica de E. L. Cuevillas preparada por António Odriozola.

Audiencia lírica primitiva galega de Cuevillas. Conferencia de XOAQUIN LORENZO sobre de CUEVILLAS: O HOME, A OBRA Y A ESPERANZA

A misa será pública, invitándose particularmente a todos interessados en memoria arquidiocesana, episcopal, etc., celebrarán na Ceevillas.

Por se felic que pense acoller a este culto, asistiremos as missas galegas do Ordeñario da Misas.



Carteis da Mostra de Teatro Galego de Ribadavia, organizada por Abrente (1974), e do Festival Folk Galego, organizado polo Galo e polo Facho en 1975

comisario, Ricardo Gurriarán, persoa xa ben bregada neste tipo de iniciativas, como se puxo de manifesto hai poucos anos coa mostra dedicada ás revoltas do 68. Grazas a iso, todo ten un ar de familia que penso que lle cadra ben a esta nova actividade de reconstrucción dun período esencial da historia cultural e política de Galicia. De forma pioneira e mesmo emblemática, a primeira daquelas asociacións culturais leva o nome dun galo e a segunda, dun facho. O galo que canta que unha nova xeira histórica está amencendo no abrente de Galicia e o facho que alumeou os pasos daqueles devanceiros son as melloras metáforas que podemos escoller como definición dos tempos que corren hogano, nos que se segue a precisar de galos que canten e de fachos que dean luz, áida que agora actúen en plataformas dixitais e en redes sociais e non en humildosas asociacións.

Ramón Villares
Presidente do Consello da Cultura Galega